

مارننگ گوجری نیوز بولیٹن 17 جنوری 2025

یوہ آکاشوانی جموں ہے محبوب سُلطانی تیں خبر سُنو۔

وزیراعظم نریندر مودی اچ بھارت منداپم نوی دلی مانہہ بھارت گلوبل موبلٹی ایکسپو ۲ ہزار ۵۲ گو افتتاح کرے گا اس سال گا ایکسپو گو موضوع ہے سرحدان توں پار مستقبل گا آٹوموٹیو ویلیو چین نانہہ مشترکہ طور ور تیار کرنو رکھیو گیو ہے اس نظریہ غو مقصد آٹو موٹیو تے موبیلٹی شعبہ مانہہ تعاون تے جدت نانہہ فروغ دینو ہے تے جدید اور پائیدار ٹیکنالوجی گی ترقی ور زور پانو ہے چھ تہاڑاں تک جاری رہن آلو بھارت موبیلٹی ایکسپو آٹو موٹیو تے موبیلٹی گا شعبہ مانہہ نوی تخلیق تے ترقیاں نانہہ پیش کرن واسطے اک منفرد پلیٹ فارم فراہم کرے غو۔

وزیر اعلیٰ عمر عبداللہ نے لکھ پتی دیدی مہیم گی تعریف کرتا مانہہ کیو ہے جے جموں کشمیر مانہہ دیہی ترقی تے خواتین نانہہ باختیار بنان واسطے یا مہیم کامیابی گا نوہ راہ کھول دے گی جموں مانہہ اک اجلاس سنگ خطاب کرتا واں اُنہاں نے کہیو جے خواتین گی شمولیت جموں کشمیر گی ترقی تے خوشحالی گا سفر واسطے ضروری ہے اُنہاں نے کہیو جے حکومت اس مقصد واسطے کم کرن بارے پُر عزم ہے اس اجلاس نانہہ دیہی ترقیاتی محکمہ گی طرفوں منعقد کیو گیو تھو وزیر اعلیٰ نے زور پاتا مانہہ کیو جے خواتین گی مالی خودمختاری معاشرہ نانہہ مضبوط بنان گو کم کرے اس موقع ور خواتین کاروباری افراد واسطے جدید مہارتاں ور کوارتین کاروباری افراد واسطے جدید مہارتاں ور تربیت قرضان نانہہ تقسیم کرن تے خواتین گی ترقی بارے اہم پہل نانہہ لانچ ور طور شروع کرن بارے وی اعلان کیو گیو۔

صحت تے طبی تعلیم بارے وزیر سکینہ اتو نے سرکاری طبی کالج تے سپر سپیشلٹی ہسپتال جموں گو معائینو کیو تانجے طبی سہولتاں چل رہیا پروجیکٹاں کم کاج گو جائیزو لیو لین تیں نال ہی نال جموں تے اس گا کول کال آلا علاقہ توں تعلق رکھن آلا لوکاں واسطے صحت خدمات گا موثر طریقہ نانہہ یقینی بنایو جاسکے اس دوران انہاں نے سینر افسراں گے ہمراہ بنیادی ٹانچہ مریضاں گی دیکھ بھال بارے خدمات تے صفائی گو جائیزو لیو تے ضروری دوائی ڈانگنوسٹک ٹول یعنی تشخیصی آلات تے عملا غی دستیابی ور وی زور پایو اس دورہ غے دوران وزیر موصوف نے مریضاں گی دیکھ بھال نانہہ بہتر بنان تے معیاری صحت گی سہولیات گی اہمیت نانہہ اُجاگر کیو۔

قبائلی امور محکمہ بارے وزیر جاوید احمد رانا نے سول سیٹریٹ جموں سنئیر افسراں کی اک میٹنگ منعقد کرے جموں کشمیر اندد دھرتی آبا سکیم گا نفاذ گو جائیزو لیو بے اُنہاں نے کہیو جے قبائلی لوکاں کی ترقی مکوجودہ حکومت کی ترجیہات مانہہ شامل بے جناب جاوید رانا گو کہنو تھو جے دھرتی آبا سکیم گا دائرہ نانہہ تمام قبائلی گرایاں تک بدھا یوں جے تے صحت تعلیم تے روزگار گا شعباں مانہہ موجودہ خلا نانہہ پورو کیو جے تانجے قبائلی برادریاں واسطے پائیدار ترقی نانہہ یقینی بنایوں جاسکے میٹنگ سنگ خطاب کرت مانہہ وزیر موصوف نے سکیم کے تحت بہترین کوششاں کے زریعے مرکوز طریقہ کار اپنان ور زور پایو تانجے اس گا فائدہ نانہہ ضروری منداں تک پُجایو جاسکے۔

جموں کشمیر واسطے یافخر آلی گل ہے جے آج ریاسی ضلع توں تعلق رکھن آلا پیرا تیر انداز راکیش کمار نانہہ نوی دلی مانہہ ارجنا اعزاز سنگ نوازیو جے گو صدر جمہوریہ درویدی مرمو اس اعزاز نانہہ دی گئی صدر جمہوریہ درویدی مرمو اس اعزاز ناہہ دی گئی یوا اعزاز ان گی بین العقوامی مقابلہ مانہہ شاندار کارکردگی جن مانہہ ۲ ہزار ۴۲ پیرس پیرا اولیمپکس مانہہ تاریخی کانسی تمغو شیتل دیوی سنگ حاصل کیو تھو اس اعزاز نانہہ حاصل کرن سنگ جناب کمار تیجا پیرا تیر انداز بن گیا ہیں اس تیں پہلاں ۲ ہزار ۱۲

مانہہ پرویندر سنگھ تے ۲ ہزار ۴۲ مانہہ شیتل دیوی نانہہ اس اعزاز سنگ نوازیو گیو تھو وابل ذکر ہے جے پیرا تیر انداز مانہہ ہون توڑی ان ترا افراد نانہہ اعزاز سنگ نوازیو گیو جن بچو دو گو تعلق جموں کشمیر سنگ ہے۔

ANNOUNCEMENT

علاقائی خبراں آلو شعوبو آکاشوانی جموں نے کٹھوعہ ضلع واسطے پارٹ ٹائیم نمائندہ غی درخواست طلب کیں ہیں فہرست مانہہ شامل ہون واسطے کٹھوعہ ضلع مانہہ رہن آلا ۴۲ سال تیں ۰۵ سال غی عمر غا امیدوار درخواست طلب کرسکیں پی ٹی سی واسطے کم از کم ضروری قابلیت پی جی ڈپلمو یا صحافت مانہہ ڈگری تے یا پھر کسی تسلیم شدہ یونیورسٹی تیں ۲ سال غو صحافتی تجربہ غے نال گراجیوایشن اس تیں علاوہ کمپیوٹر تے ورڈ پروسیسنگ غو علم خبر جمع کرن تے الیکٹرونک میڈیا کورریج غو تجربہ ضروری ہے۔ امیدوار نانہہ ڈسٹکٹ ہیڈ کوارٹر تے میونسپل گی حدور تیں ۰۱ کلو میٹر گا دائیرہ مانہہ ہونو چاہیے تمام ضروری دستاویزات غے نال درخواست غی ہارڈ کاپی ۵۱ فروری ۵۲۰۲ توڑی ہیڈ ریجنل نیوز بولیٹ آکاشوانی جموں غے دفتر مانہہ پُجائیں جس غو پین کوڈ ہے ۱۰۰۰۸۱ درکواست اشتہار ماری ور ہوم پیج غا اخیر مانہہ آسامیاں آلہ آکن ور دستیاب ہے۔ www.newsonair.gov.in ویب سائٹ

WEATHER

محکمہ موسمیات نے ۰۲ تے ۱۲ جنوری نانہہ ہلکی بارش تے اُچیراں علاقاں مانہہ برف باری گی پیشن گوئی کی ہے اس ضمن مانہہ مزید جانکاری دتی گئی ہے جے ۲۲ تو ۳۲ جنوری بشکار جموں گا میدانی علاقاں مانہہ ہلکی توں درمیانی درجہ گی بارش ہوسکے جدکہ گجھ ہی علاقاں مانہہ برف باری گی پیشن گوئی کی گئی ہے اونگا جموں سرینگر قومی شاہراہ نانہہ دوئے پاسے توں گڈیاں گی آو جائی واسطے کھولو گیو جد کہ تاریخی مغل سڑک جہیڑی راجوری پونچھ گا دوئے ضلعان نانہہ کشمیر غا شوپیاں سنگ جوڑے برف باری گی وجہ توں بند رکھیو گیو ہے۔

NEWS READ BY MEHBOOB SULTANI
DEO NUSRAT
SKILLED RAJAT
TECH.ASST. PALLAVI